

kap SLE(âng-pan-sèng lóng-chhng),
kah-chōng-sòaⁿ ki-lêng siuⁿ kōan, gâm-chèng,
khah kín-tiuⁿ ū koan. Che lóng kap kòe-bín bô
tit-chiap koan-hē.

G óa Ôh Tâi-gí Lô-má-jī ê Kám-sióng

Tân Lē-soat

Chha-put-to tī chhit-peh nî chêng, góa khòaⁿ-tiòh chit-ê a-peh..a teh thák chit-tiuⁿ phoe, hit-tiuⁿ phoe siá ê jī khòaⁿ--khí-lâi chhin-chhiūⁿ Eng-gú koh m̄-sī Eng-gú, góa khòaⁿ kah bū-sà-sà, m̄-kú A-peh..a iōng lán ê pē-bú-oe chin sūn-chhùi kā i liām--chhut--lâi. Gôan-lâi, siá..ê chiū-sī Lô-má-jī(LMJ). Hit sī góa sim-lâi hiahⁿ chit-ē, in-ūi kòe-khì A-peh..a lóng kóng i m̄-bat Hán-jī, sī chheⁿ-mê-gû, chit-sī góa khiā-tī LMJ ê kak-tō lâi khòaⁿ, chheⁿ-mê-gû èng-kai sī góa! Tùi hit-chūn khai-sí ôh LMJ sī góa siōng tōa ê sim-gōan.

Kū-nî saⁿ--gòeh thiaⁿ kóng Ko-hiōng I-hák Tâi-hák beh khui Tâi-gú Lô-má-jī gián-sip-pan, góa kap góa ê ang-sài Teng Liân-chong chiū hèng-chhih-chhih pò-miâ chham-ka. Tē it chiat siōng-khò ê sī Tiuⁿ Hòk-chû i-su kóng n̄ng kù òe hō góa ìn-siōng chiok chhim. Tē-it, ài “chún-hun”. Hit-sī sim-lâi àm-àm kiò-khó. Hái..ah, kha-chhng-phóe ài peⁿ hō ân, khó-lêng òe hō lâng lut kah kim-sih-sih--ah. Tē-jī, i kiōng-tiāu kóng, lán tak-jit teh kóng ê òe nā bô

bûn-jī kì-chài, lán ê bûn-hòa m̄ bián jōa kú chiū òe siau-sit. Thiaⁿ kàu chia, lōe-sim siū chin tōa ê kám-tōng. Gôan-lâi ôh LMJ m̄-sī kan-ta beh ê-hiáu khòaⁿ péh-òe-jī nā-tiāⁿ, sī ūi-tiòh thiàⁿ-sioh Tâi-ôan, sioh lán ê hióng-thó, chó-sian kap kiáⁿ-sun.

Chit-tang lâi, siōng-khò ê kòe-thêng ū tiⁿ iā ū khó. Khí-thâu tùi LMJ lóng bô khài-liām, keng-kòe lāu-su ê chí-tō, tùi bó-im, chú-im, peh-siaⁿ-tiāu, it-poaⁿ-piàn-tiāu kàu “á”-chêng-piàn-tiāu, sūi-chêng-piàn-tiāu, chit-pō chit-pō tùi ho-im, thiah-im kàu ê-hiáu khòaⁿ Tâi-bûn Bóng-pò, hit-sī góa kap Liân-chong tiāⁿ-tiāⁿ kā kàu-châi thêh--teh, chē tī kong-hâng chhiū-á kha chit-lâng liām chit-tōaⁿ bûn-chiuⁿ, in-ūi piän-tiāu bô kài sek, ū-sī liām--chhut--lâi..ê kap gôan-lâi ê ì-sù thiⁿ chha tē, góan 2 lâng chiū chhiò kah chêng-khùi m̄ chí âu-khùi, pak-tó tñg-á kiōng beh chhoah--tñg, jú thák jú ū hèng-chhù. Ú-sī, ūi-tiòh chit-ê jī, chit-ê sū 2 lâng chèⁿ kah ām-á-kún kin phû-là-sà, chhùi-kak chôan pho. Ú-sī ūi-tiòh beh kóaⁿ “chún-hun”, chông kah pak-tó kún-ká, piän-só cháu bē-lī, ū-sī chêng-sū khah kē, chiū siūⁿ kóng, chiâh kah chiah lāu..ah, koh lâi thák-chheh, chhin-chhiūⁿ liâh chit-bóe thâng tī kha-chhng ngiau. M̄-kú, chit-sī chiū òe siūⁿ-tiòh Tēⁿ Bók-su, chit-ê khó-kèng koh khó-ài ê lāu-lâng, tùi Tâi-lâm chē hóe-chhia kàu

Ko-hiōng, chit-bīn siōng-khò chit-bīn chhit-kōaⁿ ê chēng-kéng, koh siūⁿ-tiōh Tiuⁿ i-su, Tēⁿ Si-chong i-su kap gī-kang lāu-su, in ūi-tiōh thiàⁿ-sioh Tâi-ōan, chhui-tián Tâi-bûn ūn-tōng, hi-seng sî-kan, kim-chîⁿ kap thé-lât, chit-chióng hòng-hiàn ê cheng-sîn, kó-lē góa koh kè-siòk thák--lôh--khì.

Ū chit-jit siu-tiōh chit-hūn chôan-Lô ê khan-bút, chit-khòaⁿ sī “Tâiôanjī”. Thák “Tâiôanjī” ê bûn-chiuⁿ khah ū thiau-chiàn sèng, khí-thâu sī bân-bân-á khòaⁿ, keng-kòe chit-tōaⁿ sî-kan, tùi piàn-tiāu ê hóan-èng jú-lâi jú-kín. Chit-má khòaⁿ Hán-Lô ê bûn-chiuⁿ tian-tò bē kòan-sì. Só-í, “Tâiôanjī” tùi góa thêng-tō ê thê-seng ū chin-tōa ê pang-chān.

Lán ták-jit put-ti-put-kak teh kóng ê pē-bú-oe, keng-kòe lāu-su ê hun-sek, soat-bêng chiah chai-iáⁿ, gôan-lâi Tâi-gú sī chiah-nih iu-bí, chiah-nih cheng-bit, chòat-tùi m̄-sī Pak-kiaⁿ-gú òe-tit-thang pí-phēng..ê. Chhin-chhiūⁿ chiâh-mih ê liāu-lí hong-sek chiū ū: chû, chian, chìⁿ, chhá, chhoe, thng, thng, sā, sâh, chhèng, hip, pheng, piak, hang, ló, khòng, oe, pû, chhek, tím, choaⁿ, hiâⁿ téng-téng. Chhin-chhiūⁿ hêng-iōng kut-bah ê siong-hâi ū: kōaiⁿ--tiōh, chōaiⁿ--tiōh, áu--tiōh, chek--tiōh, siám--tiōh, náu--tiōh, giú--tiōh, tng--tiōh téng-téng. Koh ū saⁿ-liân-im, chhin-chhiūⁿ “sio”, “sio-sio”,

“sio-sio-sio”. In-üi Tâi-gú cheng-bit ê piàn-tiāu, hō lán òe-tit-thang hun-piat che saⁿ chióng liâm-hoat ū bô kâng-khôan thêng-tō ê “sio”. Khòaⁿ--khí--lái, Tâi-gú bûn-hòa khoah koh chhim, jú gián-kiù, jú kám-kak i ê pó-kùi. Ū-sî tī tiân-sî ê Tâi-ōan-bîn-iâu chiat-bók, khòaⁿ-tiōh bián-kióng iōng Hán-jī lâi piáu-tát koa-sû, tiāⁿ-tiāⁿ khòaⁿ kah bôk-bêng-kî-biâu, kám-kak put-tát put-chhit. Só-í kóng--khí--lái Hán-jī chí-put-kò sī Tâi-gú bûn-hòa ê chit-pô-hûn nâ-tiāⁿ. Kòe-khì Kok-bîn-tóng chèng-hú kìm-chí lán kóng pê-bú-oe sit-châi sī khit-chiâh kóaⁿ biō-kong.

Tī Tiong-kip-pan kiat-giáp tián-lé ê sî, Tēⁿ Bôk-su it-tít kau-tài, chèng-su theh-tiōh liáu-āu m̄-thang kâ kòe-khì só óh..ê khng tī peng-khò lâi-bîn, iā sī iōng mî-phôe kâ khàm--khí--lái. Pê-bú-oe sī Siōng-tè sù hō lán chòe pó-kùi ê lé-bút, lán sī Siōng-tè kéng-sóan chhut--lái ê chéng-chí. Ng-bâng chiah ê chéng-chí òe-tit-thang khui-hoe, kiat koh khah chē ê chéng-chí, hō lán ê pê-bú-oe châ chit jit chhut-thâu-thiⁿ. Chòe-āu, ū chit-ê sió-siô ê kiàn-gî: lín òe-tit-thang kap lín ê ang-sài, khan-chhiú..ê, iā sī ài-jîn-á, tau-tîn lâi óh LMJ, pó-chèng chìn-pô òe chin kín, kám-chêng òe koh khah tiⁿ-bit.

『我的嗜好』